



ევროკავშირი
საქართველოსთვის
The European Union for Georgia



საჯარო სამსახურების დამშობილების პროექტი

Contract: GE 16 ENI ST 06 18

საქართველოს სტატისტიკური სისტემის შესაძლებლობების გაძლიერება

კომპონენტი 2: ეროვნული ანგარიშების მეთოდოლოგიური საფუძველის
გაძლიერება ევროკავშირის სტანდარტების შესაბამისად

ქვეკომპონენტი 2.3: სექტორული ანგარიშების შედგენის მეთოდი

მისიის ანგარიში

აქტივობა: 2.3.C (RS) “ფინანსური კორპორაციებისა (S.12) და კაპიტალის
ანგარიშების შედგენა”

მისიის განმახორციელებელი ექსპერტები:

ქ-ნი ივანა ბლაგოვა, დანიის სტატისტიკა

ქ-ნი კატრინ ლინდესკოვ იოჰანსენი, დანიის სტატისტიკა

ბ-ნი კრისტიან გაისტინგი, დანიის სტატისტიკა

2021 წლის 22 თებერვალი – 26 თებერვალი

ვერსია: საბოლოო



ევროკავშირი
საქართველოსთვის
The European Union for Georgia



ექსპერტების საკონტაქტო ინფორმაცია

ქ-ნი ივანა ბლაგოვა
დანიის სტატისტიკა
კოპენჰაგენი, დანია
ტელ: +45 3917 3309
ელ. ფოსტა: ibl@dst.dk

ქ-ნი კატრინ ლინდესკოვ იოჰანსენი
დანიის სტატისტიკა
კოპენჰაგენი, დანია
ტელ: +45 3917 3067
ელ. ფოსტა: klj@dst.dk

ბ-ნი კრისტიან გაისტინგი
დანიის სტატისტიკა
კოპენჰაგენი, დანია
ტელ: +45 3917 3665
ელ. ფოსტა: cgy@dst.dk

სარჩევი

1. ზოგადი შენიშვნები	4
2. შეფასება და შედეგები.....	4
3. დასკვნები და დამატებითი საკითხები.....	8
დანართი 1. ტექნიკური დავალება.....	10
დანართი 2. ექსპერტებთან შეხვედრებში მონაწილე პირები.....	11



1. ზოგადი შენიშვნები

წინამდებარე მისიის ანგარიში ევროკავშირის საჯარო სამსახურების დამმობილების პროექტის „საქართველოს სტატისტიკური სისტემის შესაძლებლობების გაძლიერება“ ფარგლებში მომზადდა. ეს იყო 2.3 ქვეკომპონენტის „სექტორული ანგარიშების შედგენის მეთოდი“ მესამე მისია. COVID-19-ის გამო მისია დისტანციური სესიის სახით 2021 წლის 22 თებერვლიდან 26 თებერვლამდე პერიოდში განხორციელდა. მისია ძირითადად ფინანსური სექტორისა და კაპიტალის ანგარიშების შედგენის საკითხებს დაეთმო.

მისიის მიზნები:

- სექტორული ანგარიშების შედგენის მეთოდების გაუმჯობესების მიმართულებით მუშაობის გაგრძელება 2.3B აქტივობის ფარგლებში მომზადებული სამუშაო გეგმის მიხედვით
- ფინანსური კორპორაციების ანგარიშებისა და კაპიტალის ანგარიშების შედგენა

კონსულტანტები მადლობას უხდიან მისიაში მონაწილე საქსტატის თანამშრომლებს მისიის განხორციელებისას გაწეული შეუფასებელი მხარდაჭერისთვის და წარმოდგენილი სასარგებლო ინფორმაციისთვის.

წინამდებარე ანგარიშში წარმოდგენილია კონსულტანტების შეხედულებები და დასკვნები, რომლებიც არ გულისხმობს ევროკავშირის, საქსტატის, დანიის სტატისტიკის ან პროექტის განხორციელებაში ჩართული სხვა სტატისტიკური სამსახურების შეხედულებებს.

2. შეფასება და შედეგები

ფინანსური სექტორი

მოცემული მისიის განმავლობაში განხორციელდა დამატებითი განხილვები D.4 საკუთრებიდან შემოსავლების, D.6 სოციალური შენატანებისა და შეღავათების და D.7 სხვა მიმდინარე ტრანსფერების ტრანზაქციებთან დაკავშირებულ დარჩენილ საკითხებზე.

D.4 საკუთრებიდან მიღებული შემოსავლების ტრანზაქციები

საქსტატმა ანგარიშების შედგენის ჩარჩოში გაითვალისწინა წევრი ქვეყნის ექსპერტების რეკომენდაციები D.4 საკუთრებიდან მიღებული შემოსავლების ტრანზაქციებთან დაკავშირებით. ცვლილებები შეეხებოდა:

- სადაზღვევო კომპანიების საპროცენტო შემოსავლების/საპროცენტო ხარჯების გათვალისწინებას D.41 ტრანზაქციებში S.12 სექტორისთვის
- სადაზღვევო კომპანიების მიერ დივიდენდების სახით მიღებული შემოსავლების გათვალისწინება D.42 ტრანზაქციებში S.12 სექტორისთვის;
- D.43 ტრანზაქციების დაშლას შიდა სექტორების მიხედვით საგადასახდელო ბალანსის შესაბამისად

გამოყენების მხარეს D.44 ტრანზაქციების შედგენას S.12 სექტორისთვის, ინფორმაციის წყაროდ სადაზღვევო კომპანიების საინვესტიციო შემოსავლების გამოყენების გზით და შემდეგ რესურსების მხარეს D.44 ტრანზაქციების სექტორების მიხედვით განაწილებას გადახდილ წმინდა არასიცოცხლის სადაზღვევო პრემიებში სექტორების წილის მიხედვით; ხაზინასთან კონსულტაციების შემდეგ გაკეთებულ დაშვებებს გამოყენების მხარეს D.45 ტრანზაქციებში S.11 და S.14 სექტორების წილებთან დაკავშირებით



D.6 სოციალური შენატანები და შეღავათები

დასრულდა საქართველოს საპენსიო სისტემის ჩარჩო, რომელიც 2019 წლის ახალ საპენსიო ფონდსაც მოიცავს. მომზადდა შესაბამისი ტრანზაქციების მონახაზი, რომელიც სექტორული ანგარიშების შედგენისას გაანგარიშებების ჩარჩოში იქნება შეტანილი. ახალი საპენსიო ფონდის ოპერაციების აღრიცხვის შემთხვევაში გასათვალისწინებელი ტრანზაქციებია: D.12 დამსაქმებელთა სოციალური ანარიცხები, D.611 დამსაქმებელთა ფაქტობრივი სოციალური ანარიცხები, D.613 შინამეურნეობათა ფაქტობრივი სოციალური შენატანები, D.614 შინამეურნეობათა სოციალური შენატანების დანამატები, D.61SC სოციალური დაზღვევის პროგრამის მომსახურების ხარჯები (რომელიც იქვითება გადანაწილების ტრანზაქციებიდან და წარმოებისა და საბოლოო მოხმარების ნაწილს წარმოადგენს), D.62 სოციალური შეღავათები და D.442 საპენსიო მოთხოვნებზე გადასახდელი საინვესტიციო შემოსავლები.

D.7 სხვა მიმდინარე ტრანსფერები

საქსტატმა ანგარიშების შედგენის ჩარჩოში შეიტანა დაზღვევის ზედამხედველობის სააგენტოდან მიღებული ინფორმაცია, როგორც სადაზღვევო კორპორაციების მიერ მიღებული წმინდა არასიცოცხლის დაზღვევის პრემიების ჯამისა (D.71) და სადაზღვევო კორპორაციების მიერ გადახდილი არასიცოცხლის სადაზღვევო მოთხოვნების ჯამის (D.72) შესახებ მონაცემების უშუალო წყარო. D.71 და D.72 ტრანზაქციებისათვის ექსპერტებთან იქნა შეთანხმებული ნარჩენი ღირებულების შესაბამისი სექტორებს შორის განაწილების შესახებ. აღნიშნული, დაზღვევის ზედამხედველობის სააგენტოდან, დაზღვევის ტიპების შესახებ მიღებული ინფორმაციის მაქსიმალურ გამოყენებას და შესაბამისი სექტორების კონკრეტული სადაზღვევო მომსახურების მომხმარებლებად განსაზღვრას გულისხმობს. შინამეურნეობების წილების განსაზღვრის შემდეგ, S.11-ის, S.12-ის, S.13-ისა და S.15-ის დარჩენილი წილების განაწილება სადაზღვევო მომსახურების გამოყენებისა და რესურსების ცხრილებიდან მიღებული ინფორმაციის საფუძველზე იქნება შესაძლებელი იმ შემთხვევაში, თუ უშუალო მონაცემთა წყარო უფრო სარწმუნო ინფორმაციას არ უზრუნველყოფს.

S.12-თან დაკავშირებული სხვა საკითხები

მოცემული მისიის ბოლოს საქსტატმა აღნიშნა S.12-ში ჰოლდინგური კომპანიების გამოშვების გაანგარიშებასთან დაკავშირებული გამოწვევები. თავდაპირველად, აღინიშნა, რომ ასეთი კომპანიები საქართველოში არ არსებობს. თუმცა, ბიზნეს რეესტრის დახმარებით გამოვლინდა 3 კომპანია, რომელთაგან ერთ-ერთის ეკონომიკური საქმიანობა საკმაოდ დიდია. სამივე კომპანია მონაწილეობს საქსტატის ბიზნეს გამოკვლევაში, თუმცა გამოკვლევა არ იძლევა ინფორმაციას არასაპროცენტო ხარჯებთან დაკავშირებით, რაც გამოშვების გაანგარიშებას ართულებს. ექსპერტების რეკომენდაცია კვლევიდან მიღებული ინფორმაციის ნაცვლად ყველაზე დიდი ჰოლდინგური კომპანიის საჯაროდ ხელმისაწვდომი შემოსავლების ანგარიშში მოცემული უშუალო მონაცემების გამოყენებას გულისხმობს.

სექტორული ანგარიშების ჩარჩოში არ არსებობს ტრანზაქციები D.8 საპენსიო უფლებებში ცვლილებების დაზუსტების შესახებ. ისინი საბოლოო ბალანსის ნაწილის სახით იქნება წარმოდგენილი, როგორც S.12-სა და S.14-ს შორის ტრანზაქციები. განხორციელებული 2.3.B მისიის ფარგლებში გაზიარებული იქნა ინფორმაცია დანიაში D.8-ის გაანგარიშებასთან დაკავშირებით.

კაპიტალის ანგარიშები



დაიწყო კაპიტალის ანგარიშებთან დაკავშირებული სამუშაოების პირველი ნაწილი, რაც ძირითადად საქსტატისა და დანიის სტატისტიკის მიერ ძირითადი კაპიტალის მთლიანი ფორმირების (GFCF), კაპიტალის მარაგების (CS) და ძირითადი კაპიტალის მოხმარების (CFC) შედგენის პრაქტიკულ მეთოდებზე იყო ორიენტირებული. საქსტატმა წარმოადგინა პრეზენტაცია საქსტატის მიერ GFCF-ის, CS-ისა და CFC-ის შედგენისას გამოყენებული წყაროებისა და მეთოდების შესახებ. საქსტატის პრეზენტაციაში წარმოდგენილი იყო სექტორებისთვის ანგარიშების შედგენის დამოუკიდებელი ჩარჩო.

მსგავსი პრეზენტაციები წარმოადგინა წევრი ქვეყნის ექსპერტმაც, კრისტიან გაისტინგმა, დანიის სტატისტიკის მიერ ძირითადი კაპიტალის მთლიანი ფორმირების, კაპიტალის მარაგებისა და ძირითადი კაპიტალის მოხმარების შედგენის მეთოდებთან დაკავშირებით. პრეზენტაციაში ხაზგასმული იყო ასევე GFCF-ის, CS-ისა და CFC-ის შედგენისას გამოყენებული წყაროები და მეთოდები.

პრეზენტაციის შემდეგ განხორციელდა სიღრმისეული განხილვები.

განხილული საკითხები და შეფასებები

GFCF

ზოგადად, GFCF-ის, CS-ისა და CFC-ის შედგენა საკმაოდ გამართულად გამოიყურება. GFCF-ის შედგენა - შემღებისდაგვარად - სტრუქტურულ ბიზნეს სტატისტიკას (SBS) ეყრდნობა, რაც საუკეთესო ხელმისაწვდომ წყაროდ უნდა ჩაითვალოს. საქსტატმა უნდა შეისწავლოს GFCF-ის გაზომვის მიმართულებით არსებული შესაძლო პრობლემები, სადაც პრობლემებს შესაძლოა წარმოადგენდეს: S.11 სექტორის მიერ შიდა მოხმარებისთვის წარმოებული პროგრამული უზრუნველყოფა და საცხოვრისები.

კვლევებისა და განვითარების აღრიცხვა

მთავარი საკითხი, რომელიც GFCF-თან დაკავშირებით იქნა განხილული, კვლევისა და დამუშავების (R&D) გამოშვებისა და ინვესტიციების შედგენას შეეხებოდა. კვლევისა და დამუშავების (R&D) მიმართულებით ხარჯების (დანახარჯების) შესახებ ინფორმაციის შესაგროვებლად საქსტატი სპეციალურ გამოკვლევებს იყენებს. მიუხედავად იმისა, რომ გამოყენებული გამოკვლევები უშუალოდ ფრასკატის სახელმძღვანელოზე დაფუძნებული გამოკვლევები არაა, შეგროვებული ინფორმაცია საჭირო ინფორმაციას უზრუნველყოფს.

კვლევისა და დამუშავების საკითხზე განხორციელებული განხილვების ნაწილი კვლევისა და დამუშავების დარგის მიერ (NACE 72) კვლევისა და დამუშავების შესყიდვების აღრიცხვას შეეხებოდა. იმ შემთხვევაში, თუ კვლევისა და დამუშავების გამოშვება ხარჯების მხრიდანაა დათვლილი, რაც კვლევისა და დამუშავების გაზომვის შედგენის სწორი მეთოდია, კვლევისა და დამუშავების დარგის მიერ შესყიდული კვლევა და დამუშავება უნდა დაემატოს გამოშვებას, რადგან შესყიდული კვლევა და დამუშავება არ შედის თავდაპირველი ღირებულების შეფასებაში. აღნიშნული კვლევისა და დამუშავების გაზომვის ევროსტატის სახელმძღვანელო პრინციპებთან (2010 წლის ანგარიშთა ევროპულ სისტემაში კვლევისა და დამუშავების გაზომვის სახელმძღვანელო, მე-4 რედაქცია) შესაბამისობას უზრუნველყოფს.



ძალიან მნიშვნელოვანია წარმოებული კვლევისა და დამუშავების დაყოფა საკუთარი ძალებით განხორციელებულ კომპონენტად და შესყიდულ კომპონენტად. შესაძლებელია აღნიშნული ორი კომპონენტის რესურსებისა და გამოყენების ცხრილებში ასახვა.

მისიის განმავლობაში ელ. ფოსტის დახმარებით ხდებოდა კვლევისა და დამუშავების მაჩვენებლების გაზიარება. კრისტიან გაისტინგის მიერ გაზიარებული იქნა მაგალითი, თუ როგორ უნდა მოხდეს კვლევისა და დამუშავების შესახებ საქართველოს მონაცემების დაყოფა საკუთარი ძალებით წარმოებულ და შესყიდულ კომპონენტებად. მაგალითი ეყრდნობოდა კვლევებისა და დამუშავების ქართულ მონაცემთა წყაროს. ამასთან, მაგალითში მითითებული იყო კვლევისა და დამუშავების დარგის მიერ შესყიდული კვლევისა და დამუშავების აღრიცხვის მეთოდი.

კაპიტალის მარაგები და ძირითადი კაპიტალის მოხმარება

საქსტატმა შეადგინა კაპიტალის მარაგები და ძირითადი კაპიტალის მოხმარება აქტივების ტიპების მიხედვით, S.11 და S.13 სექტორების დარგებისთვის. საქსტატის გეგმის თანახმად, აღნიშნული მეთოდი (და excel-ის სამუშაო ფაილი) გამოყენებული უნდა იქნეს დანარჩენი სექტორების (S.12, S.14 და S.15) კაპიტალის მარაგებისა და ძირითადი კაპიტალის მოხმარების შედგენის მიზნით. აღნიშნული გეგმა ძალიან გონივრულია.

კაპიტალის მარაგებისა და ძირითადი კაპიტალის მოხმარების გაზომვების შესახებ განხორციელებული განხილვებისას გაზიარებული იქნა excel-ის სამუშაო ფაილი საქართველოს კაპიტალის მარაგებისა და ძირითადი კაპიტალის მოხმარების მონაცემებით. აღნიშნული სამუშაო ფილის საფუძველზე შემოთავაზებული იქნა რამდენიმე მნიშვნელოვანი შესწორება:

- A. დეფლატორი (ფასების ინდექსი) წლის ბოლოსათვის ყველა წლისთვის ერთნაირად უნდა იქნეს გაანგარიშებული, გარდა ბოლო წლისა (2019), სადაც ეს შეუძლებელია. ამჟამად, 2018 წლის გაანგარიშება უნდა შეიცვალოს.
- B. წლის ბოლოს წმინდა მარაგების შეფასება უნდა შეიცვალოს (იხილეთ ქვემოთ მოცემული ფორმულა 1.2). აღნიშნული ცვლილება გაანგარიშების OECD-ის სტანდარტულ რეკომენდაციებთან შესაბამისობას უზრუნველყოფს. უნდა შეიცვალოს საწყისი მაჩვენებლის მნიშვნელობის გაანგარიშების ფორმულაც (იხილეთ ფორმულა 2.2).

ზემოთ ჩამოთვლილი შემოთავაზებული დაზუსტებები შედეგებში უმნიშვნელო ცვლილებებს გამოიწვევს, კაპიტალის მარაგების/ძირითადი კაპიტალის მოხმარების მაჩვენებლების განახლება შესაძლებელი იქნება მაჩვენებლების გადაანგარიშების საჭიროების შემთხვევაში, ამ ეტაპზე კი უკვე განსაზღვრული მაჩვენებლები უცვლელად შეიძლება დარჩეს.

ამჟამად, პერიოდის ბოლოს (მუდმივ ფასებში) წმინდა მარაგების შედგენისთვის საქსტატი შემდეგ ფორმულას იყენებს:

$$(1.1) \quad \text{წმინდა}(t, \text{წლის ბოლო}) = \text{GFCF}(t) * [(1 - \delta) / 2] + \text{წმინდა}(t-1, \text{წლის ბოლო}) * [1 - \delta]$$

რეკომენდაციაა წმინდა მარაგების გაანგარიშების ფორმულა შეიცვალოს შემდეგი ფორმულით:

$$(1.2) \quad \text{წმინდა}(t, \text{წლის ბოლო}) = \text{GFCF}(t) * [1 - (\delta / 2)] + \text{წმინდა}(t-1, \text{წლის ბოლო}) * [1 - \delta]$$



ამჟამად, საქსტატი წმინდა მარაგების თავდაპირველი ამოსავალი მონაცემის (მუდმივ ფასებში) შედგენისთვის შემდეგ ფორმულას იყენებს:

$$(2.1) \quad \text{წმინდა}B(t, \text{წლის ბოლო}) = (GFCF(t) * [(1 - \delta)^{1/2}]) / (\delta + \theta)$$

რეკომენდაციაა წმინდა მარაგების თავდაპირველი ამოსავალი მონაცემების შედგენის ფორმულა შემდეგი ფორმულით შეიცვალოს:

$$(2.2) \quad \text{წმინდა}B(t, \text{წლის ბოლო}) = (GFCF(t) * [1 - (\delta/2)]) / (\delta + \theta)$$

(2.2) ფორმულა არ შეესაბამება OECD-ის რეკომენდაციას (კაპიტალის გაზომვა, 2009, მეორე რედაქცია), რადგან იგი ცვეთას პირველ პერიოდში (მნიშვნელობა $[1 - (\delta/2)]$) ქვითავს. საკმათო შეიძლება იყოს, უნდა გამოიქვითოს თუ არა ცვეთა პირველ პერიოდში, თუ გავითვალისწინებთ ერთი წლის ინვესტირებისა და ინვესტიციების (ან მშპ-ის) საშუალო ზრდის შეფასების საფუძველზე პირველადი ამოსავალი მონაცემის გაანგარიშებასთან დაკავშირებულ შესაძლო ცდომილებას თუ საქსტატი გადაწყვეტს OECD-ის რეკომენდაციასთან შესაბამისობის უზრუნველყოფას, საქსტატს შეუძლია გამოტოვოს პირველი მნიშვნელობა $[1 - (\delta/2)]$.

წმინდა(t, წლის ბოლო) = წმინდა მარაგების შეფასება t პერიოდისთვის, წლის ბოლო

წმინდაB(t, წლის ბოლო) = წმინდა მარაგების საწყისი ამოსავალი მნიშვნელობის შეფასება t პერიოდისთვის, წლის ბოლო

GFCF(t) = ძირითადი კაპიტალის მთლიანი ფორმირება t პერიოდისთვის

δ = ამორტიზაციის ნორმა

θ = ინვესტიციების ან მშპ-ის საშუალო ზრდის ტემპი

3. დასკვნები და დამატებითი საკითხები

- ფინანსური სექტორის ანგარიშები შედგენილია SNA 2008-ის შესაბამისად
- დაწყებულია SNA 2008-ის შესაბამისად თითოეულ სექტორში კაპიტალის ანგარიშების შედგენაზე მუშაობა, რაც უნდა გაგრძელდეს S.12, S.14 და S.15-ისთვის კაპიტალის მარაგებისა და ძირითადი კაპიტალის მოხმარების შედგენის პარალელურად
- საკუთრებიდან შემოსავლების ტრანზაქციების ჩარჩო (D.4) დასრულებულია ყველა სექტორისთვის
- 2019 წლიდან ახალი საპენსიო სისტემის ჩარჩო დასრულებულია
- ყველა სექტორისთვის სადაზღვევო პრემიებისა და მოთხოვნების (D.71 და D.72) ტრანზაქციების შედგენის მონახაზი შეთანხმებულია

გაუმჯობესების მიმართულებით განსახორციელებელი ნაბიჯები:

მოქმედება	ვადა	პასუხისმგებელი პირი
D.7 ტრანზაქციების განახლება სექტორული ანგარიშების ჩარჩოში და excel-ის სამუშაო გვერდების ექსპერტებისთვის გაზიარება	15 მარტი, 2021	საქსტატი



კაპიტალის ანგარიშებთან დაკავშირებით გადასაჭრელი საკითხების განხილვის მიზნით მოსაზრებების გაცვლა ელ. ფოსტის საშუალებით	აპრილი, 2021	საქსტატი
თითოეული სექტორისთვის კაპიტალის მარაგებისა და ძირითადი კაპიტალის მოხმარების შედგენის სამუშაოების დასრულება საქსტატის მიერ (ამჟამად, საქსტატს დასრულებული აქვს S.11 და S.13)	აგვისტო, 2021	საქსტატი



დანართი 1. ტექნიკური დავალება

ევროკავშირის სამსახურების უწყებების დამმოხილელის პროექტი
GE 16 ENI ST 06 18

22 თებერვალი – 26 თებერვალი 2021

კომპონენტი 2: ეროვნულ ანგარიშებში მეთოდოლოგიური საფუძვლების გაძლიერება ევროკავშირის სტანდარტების შესაბამისად

ქვეკომპონენტი 2.3: სექტორული ანგარიშების შედგენის მეთოდი

2.3 ქვეკომპონენტის სავალდებულო შედეგები და მთავარი ამოცანები:

- სექტორული ანგარიშების შედგენის მეთოდის გაუმჯობესება

შესრულების ინდიკატორები (საბაზისო და სამიზნე მაჩვენებლები):

- სექტორული ანგარიშების, როგორც სტატისტიკური პროდუქტის, ხელმისაწვდომობა
 - საბაზო მონაცემები: 2019 – საქსტატი არ აწარმოებს სექტორულ ანგარიშებს
 - სამიზნე მაჩვენებლები: 2021 წლის მარტი – სექტორული ანგარიშები შემუშავებულია

აქტივობა 2.3.C (RS) “ფინანსური კორპორაციებისა (S.12) და კაპიტალის ანგარიშების შედგენა”

1. აქტივობის მიზანი

- სექტორული ანგარიშების შედგენის მეთოდების გაუმჯობესებაზე მუშაობა:
 - ფინანსური კორპორაციების სექტორი
 - კაპიტალის ანგარიშები
 - ძირითადი კაპიტალის მთლიანი ფორმირება
 - ძირითადი კაპიტალის მოხმარება

2. აქტივობის მოსალოდნელი შედეგები

- სექტორული ანგარიშების შედგენაზე მუშაობის დასრულება SNA 2008-ის შესაბამისად ფინანსური სექტორისთვის და კაპიტალის ანგარიშებისთვის
- მისიის ანგარიშის მომზადება
- მომდევნო აქტივობის ტექნიკური დავალების მომზადება



დანართი 2. ექსპერტებთან შეხვედრებში მონაწილე პირები

საქსტატი

ბ-ნი ლევან ქარსაულიძე, ეროვნული ანგარიშების დეპარტამენტის უფროსი
 ეროვნული ანგარიშების დეპარტამენტის თანამშრომლები
 ქ-ნი თინათინ პაპიაშვილი, კვარტალური ანგარიშების სამმართველოს უფროსი
 ქ-ნი მერი შაბურიშვილი, წლიური ანგარიშების სამმართველოს მთავარი სპეციალისტი
 ქ-ნი ნინო შუკაკიძე, წლიური ანგარიშების სამმართველოს მთავარი სპეციალისტი
 ბ-ნი ირაკლი ქართველიშვილი, კვარტალური ანგარიშების სამმართველოს მთავარი სპეციალისტი
 ქ-ნი ნათია მერებაშვილი, წლიური ანგარიშების სამმართველოს უფროსი სპეციალისტი
 ბ-ნი ალიკა ბიწაძე, კვარტალური ანგარიშების სამმართველოს უფროსი სპეციალისტი
 ქ-ნი ვენერა ცერცვაძე, კვარტალური ანგარიშების სამმართველოს სპეციალისტი

პროექტის მუდმივი უცხოელი მრჩეველის ჯგუფი

ბ-ნი სტინ ბელეფელდ პიდერსენი, პროექტის მუდმივი უცხოელი მრჩეველი
 ქ-ნი ნინო გრძელიშვილი, პროექტის მუდმივი უცხოელი მრჩეველის თანაშემწე, თარჯიმანი